



Шогшо эл, порымик да гим берг!

Будь готов/

ЯМДЕ ЛИЙ

1933 ий 1 февраль годсек лектеш.

0+

Ура-а, кенгеж лишемеш!



Настя ПОЛИКАРПОВА
ден **Даниил ГОРИНОВ.**
Йошкар-Ола.

**1 июнь –
Йоча-влакым
аралыме
тўнямбал
кече.**

Василина ШАМОВА.
Кужэнгер,
Тошто Йўледўр.

Ўдыр-рвезе-влак,
вучымо кенгеж пагыт
мемнан деке вашка.
Кече, шыргыжалын,
уремышке ўжеш.
Юарлыме йўкда
торашке шергыл-
теш: тўрлў модыш
дене модыда,
лўнгалтыште лўнгалтеда,
самокат, скейтборд,
велосипед дене
кудалыштыда,
ерыште, энерыште
йўштылыда.

Кугорнышко лек-
мекыда, тўткў
лийза! Вўд воктеке
кугыен деч посна
ида мий!

Каникулдам пайдалын
эртарыза. Марий Эл
Республикыште канаш
да тазалыкым пен-
гыдемдаш чыла йўн
уло (3-шо лаштыкым
ончо). Онай верлам
ончен коштса, у
йолташ-влакым муза.
Тек кенгеж канышда
шуко шарнымашым
кода!

Фото-влакым
еш архивла гыч
налме.

Рекламе.

Лотерей

Тыланет чапле самокат
кўлеш? Тугеже
«Ямде лий»
газетлан возалт!

Подпискым
ыштыше-влак
коклаште лоте-
рей модыш
эртаралтеш.
Квитанцийым
але копийжым
редакцийышке
колто да шерге
пўлекым модын
нал.



Матвей ВЕДЕНЬКИН.
Шернур посёлко.



Аня ден Миша ВИНОГОРОВЫТ
да **Ангелина СЕМЕНОВА.**
Звенигово, Кожласола.

Ак – 363 тенгеат 18 ыр.

Индекс – П4696.



Корнышто – самырык инспектор

Марий Элыште

«Лүдыкшыдымө орава» республикысе конкурсым иктешленит. Тудо апрель мучаште тўналын. Самырык инспектор-влак корно правилым палымыштым, икымше польшымы пуэн моштымыштым дистанционно тергенит. Ты кышкарыште Госавтоинспекцийлан 85 ий теммылан пөлеклалтше усталык конкурс лийын. Чыла тагаслам иктешлымекке, 5 эн сай команде 20 майыште Йошкар-Олаште вий-куатшымы терген: автогородокышто велосипед дене кудалыштыныт, корно правил шотышто шинчымашыштым ончыктеныт. Волжск олесе лицейын командыже (снимкыште) сенышыш лектын. Ёдыр-рвезе-влак Марий Элын чапшымы российысе тагасымаште аралаш тўналыт.

Х.АЛЕКСАНДРОВА ямдылен.

Российысе увер

18 июнышто Финн-угор калык-влакын VIII тўнямбал конгрессыштышт 2022 ийысе финн-угор тўнян рўдывержым ойырат. Тиде лўм верч Курыкмарий районысо Йоласал села ден Одо кундем Алнаш районысо Байтэрек ял тагасат.

7-17 ияш ёдыр-рвезе-влак, «Классный папа» всероссийский конкурсыш ушнен кертыда. Ачада але вес уста пөрйен нерген видеом войзыза да 1 октябрь марте колтыза. Тўрыс уверым classmag.ru сайтыште ончыза.

22 июнь марте «Исторический диктант» эртаралтеш. Telegram мессенджерыш [greatvictories_bot](https://t.me/greatvictories_bot) ссылке дене пурен, 25 йодышлан вашмутым пуыза.

Кугезе йўлам аралена

19 майыште Пионерийын кечыжым школышто палемдышна. Кугурак вожатый Е.В.Григорьева пайремым марла вўдыш. Ожнысо йўлам шарнен, 4-ше классыште тунемше 8 йочам пионер радамыш пуртышна. Нуно чылан ончылно товатмутым пуышт. «Взвейтесь кострами» мурым марла йонгалтарышт. Тиде пайрем тунемше-влак-лан пеш келша. Ме историйым пален кушкына да кугезе йўлам аралена.

Дмитрий ЕГОРОВ.

Морко, Шўргыял.

Сенгымаш

Вольный кучедалмаш дене Юл кундем федерал округын первенствыже 23 майыште Набережные Челны олаште эртаралтын. Шернур посёлкысо «Акпатыр» спорт клуб гыч Даниил Муралов икымше верым налын, Анастасия Иванова – кумшымы. Тренерышт – А.Р.Шабдаров ден М.Г.Пакеев.

Историйым шергалына

1814 ий 31 майыште Парижский мирный договореш кидпалым пыштеныт. Тыле чара Наполеоннын империйже ваштареш сар чарнен.

Марий Элысе увер

«Ямде лий» ден «Кугарня» газет редакций-влак Йоча-влакым аралыме тўнямбал кечылан пөлеклалтше модыш-пайремым 1 июнышто 11 шагатлан Йошкар-Олаче Рўдө паркыште эртарат. Пагален ўжына!

Ты кечынак Рўдө паркыш Республикысе марий тўвыра рўдер «Йоча тўня» пайремыш тўрлө конкурсышто сенгыше 7-12 ияш ёдыр-рвезе-влакым чумыра. Йоча-шамычым марий йомак гыч герой-влак калык модыш дене модыктат. Концерт лиеш.

«Йошкар-Олан турист брендше» республикысе усталык конкурсыш кажне кумылан ег 25 июнь марте йодмашым пуэн кертеш. Тўрыс уверым i-ola.ru сайтыште ончыза.

Марий комсомоллан

16 майыште Марий комсомол организацийлан 100 ий темын. Ме классна дене комсомолын ветеранже-влак Ю.А.Морозов, С.А.Морозов, Л.П.Осинина дене вашлийынна. Нуно комсомол радамыш пурымышт, комсомол билетым налмышт, могай пашам шуктымышт нерген каласкаленит. Книгагудо пашаен-влак историй дене палдареныт.

Нина ИВАНОВА.

Кужэнер школ.

Пел ак дене канызза

Марий Эл Республикын Правительстве пörтыштыжö йоча-влакын кенез канышыштым эртарыме нерген пресс-конференций лийын. Тений кенезым республикыште чылаже 187 лагерь пашам ышташ тунгалеш. Тушто 16 тужем утла йоча канен да тазалыкшым пенгыдемден кертеш. 168 лагерь удыр-рвезе-влаклан кечывалым жапым пайдалын эртараш йоним ышта. 14 стационар лагерь лиеш. Туризм, спорт дене кылым кучышо йоча-влак профильный лагерьыште канаш тунгалыт.

25 май гыч 31 август марте Российыште «Йоча туристический кешбэк» программе пашам ышта.



Мо тыгай кешбэк?

«Мир» карте дене оксам тунен, йоча лагерьыш путевкым налмеке, 50 процент акым монтеш пörтылташ лиеш.



Мом ыштыман

Тиде программе почеш могай лагерь-влакын пашам ыштымыштым мирпутешествий.рф сайтыште «Детские лагеря» ужашыште ончыман.

Ешлан польш

Программе дене келшышын, түрлө ийготан йоча канен кертеш. Кенез мучко икмыняр гана пел ак дене канаш йон пуалтеш. Ешыште икмыняр икшыве уло гын, кажне путевко гыч кешбэкым пörтылтат.

Е.ИВАНОВА ямдылен.

Колумбын поэзий саскаже

Ош йуксыла койшо мотор марий вургеман удыр-рвезе-влак 21 майыште Республикысе йоча да самырык-влаклан В.Х.Колумб лумеш книгагудыш погыненыт. Сылнымутлан шуман, шочмо йылмын ямжым шижын моштышо коло наре удыр-рвезым «Колумб лудмаш» олесе конкурс иквереш чумырен. Поэтын поэзий саскажым аклыше йоча-влак марий, руш, англичан йылмыла дене почеламутым лудыныт. Пайремым «Падыраш» йоча ансамбль, марий бард-гитарист Г.Григорьев сорастареныт.

Сенгыше-влак «Колумб лудмаш» регион-влак кокласе онлайн-конкурсышто усталыкыштым тергаш тунгалыт.

Йоча-влакын мастарлыкыштым аклашкыштылго огыл гынат, жюри эн тале участ-



ник-влакым палемден. Шым ий марте лудшо-влак коклаште 5-ше номеран «Хрусталик» йочасадыш коштышо **Мирослав Созонов** ойыртемалтын. Йошкар-Оласе А.С.Пушкин лумеш 4-ше номеран гимназийын тунемшыже **Татьяна Зыкова (снимкыште)** 8-10 ияш-влак коклаште икымше верыш лектын. И.С.Палантай лумеш тувыра да сымыктыш колледжын калыкле сымыктыш гимназийын тунемшыже **Максим Фёдоров** «11-14 ияш марте» танасыште чылам ончылтен. А 15 ияш деч кугурак-влак коклаште Семёновка селасе 21-ше номеран школын тунемшыже **Алина Дмитриева** сенгышыш лектын.

Е.СЕРГЕЕВА.
Авторын фотожо.

Лүдде ошкылынат

Шочынат, Колумб, чевер Морко велеш,
Шочын-кушкынат тый Мызэгер ялеш.
Неле илыш лийын тыйын ешыштет,
Коштынат пасушто, вольыкым күтен.
Тый моткочак шуко лудынат книгаг,
Күлешан айдеме, шоненат, лиям.
Школышто кыртмен тунемынат,
Ончыко лүдде ошкылынат.
Тый виан почеламутым возенат,
Илышын тамжым сайын шинченат.

Дима ВЕДЕНЬКИН.
1-ше номеран Шернур школ.

Ондак шочмо калыкын шочшыжо лий,
Айдеме чапет тунам ок лий изи.

В.КОЛУМБ.

Сенгымаш кече лүмеш

Сенгымаш кечым школышто кумдан палемденна. Кугу Ачамланде сарыште лийше кугезына-влакым шарналтымеке, йоча-влак конкурслаште усталыкыштым тергеныт. 4-ше, 6-шо, 10-шо класслаште тунемше удыр-рвезе-влак мурым йонгалтарымышт дене сенгышыш лектыныт. Анна Соколова (3-шо кл.), Кирилл Курочкин (6-шо кл.), Кирилл Макматов (11-ше кл.) почеламутым эн сылнын лудыныт.

Елена ИВАНОВА.
Кужэгер, Конганур.

Унчо школлан – 150 ий

Историй гыч



1871 ийыште Унчо кундемшыте марий школым Н.И.Ильминский почын. Икымше туныктышо Г.Я.Яковлев лийын. XIX курым мучаште Унчо школым Т.Е.Ефремов (икымше марий гимнын авторжо) вуйлатен. С.Г.Чавайн, Н.С.Мухин, А.Р.Романов, И.П.Петров, А.К.Эшкинин да моло лўмлō ен-влак тиде школышто тунемьныт.



Унчо школын рўдō оралтыжым 1929-1930 ийлаште чоньыт. Икымше директор В.А.Морозов лийын. 1986-2019 ийлаште ты тунемме верым С.А.Григорьев вуйлатен. Кызыт ты сомылым А.С.Григорьев (снимкыште) шукта.

Шўдыр гай «полат»

Ик эн-сылне верыште
Почылтын школна.
Шўдыр гай каваште
Унчо «полатна».
Шўдō витле ий
Чапле школланна.
Пеш кугу событий
Унчо калыклан.
Йынгыр уроклан шокта –
Парт коклашке шинчына.
Туныктышына мокта,
Ме кыртмен тунемына.
Школ омсам эрлат почеш,
Тузлана, моторештеш.
Йоча-влакым вашлиеш,
Кужу ўмыран лиеш.

Оля СТЕПАНОВА.

Унчо школышто 27 туныктышо, школ пеленысе йочасадьште 4 воспитатель пашам ыштат.

Туныктышылан – тау

Мый 6-шо «А» классыште тунемам. Чылаже 14 тунемше улына: 7 рвезе да 7 ўдыр. Класс вуйлатышына – марий йылмым да литературым туныктышо Р.Н.Петрова. Тудо мыланна кокымшо ава гаяк. Римма Николаевна кажне йочам умыла, эре полша. Марий йылме кабинет пеш сōрал да поян. Чыла тидыже Р.Н.Петрован тыршымыжлан кōра ышталтын. Римма Николаевна кажне урокшым ойыртемалтшын эртара. Мемнам тўрлō мероприятийышке уша, «Шочмо йылме» кружокышко куанен коштына. Туныктышыланна таум ойлена.

Алина ЕВСЮТКИНА.

Сенгыше улына

Мыланем музык, физкультур урок-влак утларак келшат. Музыкаым Алевтина Ивановна Григорьева вўда. Ме урокышто мурена, куштена, модына. «Изи памаш» районысо конкурсышто совла дене марий семым шоктенна (снимкыште) да икымше верым налынна. Кызыт школ пайремлан ямдылалтына.

Глеб ЕФРЕМОВ.

Фотом школын архивше гыч налме.



Лўмгечет дене!

Школышто Унчо, Шлань, Шўргō, Муканай, Паймыр, Ямбатыр, Шап Унчо да Уньжа ялла гыч 205 йоча тунемеш. Школна кум пачашан. Кажне пачаш шке семынже мотор, тўрлō сўрет, пайдале кагаш, онгай материал дене пойдаралтын. Школын эртыкше дене палдарыше стенд-влак улыт. Кумшо пачашыште школын тоштерже верланен. Тудо марий калыкын илышыже да пашаже дене палдара. Чапле лўмгечет дене, шочмо Унчо школем!

Ангелина МАКАРОВА.

Ушанен вучена

Кызыт ме у полатыште тунемына. Школна кугу да йонгыдо. Физкультур урокышто капкылнам шуараш спортзал лиеш гын, эшеат куанле ыле. Ме ўшаным огына йомдаре, кунам-гынат шонымашна шукталтеш манын шонена.

Максим СТЕПАНОВ.

Пайрем 29 майыште 10 шагатлан тижла-леш.

Пагален ўжына

Мемнам Людмила Ивановна Ильина туныкта. Кажне урокышто сайын умылтара. Мый математикым, физкультурым да музыкым йōратем. Ме классыште ваш-ваш полпен, келшен илена. Куштылго атлетике дене ялысе эстафетыште икымше верым налынна. Школын 150 ияш пайремжылан рўжге ямдылалтына. Пайремышке пагален ўжына.

Иван РОМАНОВ.



«Ямде лий» – йолташ да полышкалыше

– Ме йоча-влак дене «Ямде лийым» куанен лудына. Газет кугыен-влакланат пеш пайдале. Тушто марий йўла, тўвыра дене кылдалтше ятыр увер савыкталтеш. Поснак марий калык пайрем сценарий-влакым вучена. Ме «Шорыкйол», «Кугече» да моло пайремым пайремлена. Ончыкыжым «Поэзий аршаи» мероприятийым чўчкыдынрак эртараш шонена. Тудлан «Ямде лий» газетеш савыкталтше почеламут-влак полшат. Газет – йолташ да полышкалыше,

*Йоч тўрзаттым,
мўндыр тос!*



– ойла Одо кундем Карагўл район Нырғындыш ялысе йочасадыште калык тўвыра дене ешартыш шинчымашым пуышо туныктышо Надежда Михайловна.

Йочасадыште ий мучко марий шўлыш озалана. Тыште тўрлў теме дене район фестивалым ий еда эртарат: «Мотор ўдыр, чевер каче», «Еш – пиал», «Калык йомак», «Калыкемын модышыжо» да молат. Моло йочасад-влакат кумылын ушат.

– Марий кундем деч тораште илена гынат, марий йылмынам огына мондо. Йоча-влакын шўмышкышт изинек уржа пырчым ўдет гын, кушкын шумекышт, лектыш лиеш,

– иктешла Н.М.Иванова.

Х.АЛЕКСАНДРОВА.

Фотом йочасадын архивше гыч налме.

М Ўскўрт – тореш.

Мўкш еш

Изи мўкш-влакын вычиматен пашам ыштымыштым кечыгут эскераш лиеш. Теве ик мўкш омарта гыч лектат, олыкышкыла чонештыш. Молышт пакчаште кушшо пеледышын верланышт. Ик жап гыч мўкш мўнгеш пўртыльў. Йолташыже-влак ончылно ну пўрдеш, ну пўрдеш. Пуйто ала-мом умылтара. Саде мўкшет йолташыже-влакым олыкыш поген нангайыш. Разведчик лийын, очыни. Такшым кажне мўкшын – шке сомылжо. Ик тўшка омартам пачемыш деч орола. Весе нектарым пога, кумшо игым онча. Арам логарат уло. Тыгай мўкшым сурий маныт. Пашаче мўкш ешым мўкшава вуйлата.

Мария МИНГЛИНА.
Татарстан, Агрыз, Кадрек.

Мутерым филологий шанче кандидат А.А.ИЛИЕВА ямдылаш полшен.

Веселан да пайдалын

Мыйын Макар лўман шольым уло. Тудлан – индеш ий. Шольым Сибирьыште ила. Мемнан деке уналыкеш каникул годым толеш. Макар дене сай йолташ улына. Футболла, баскетболла, волейболла пырля модына. Велосипед дене походыш коштына. Сурт сомылкамат ышташ полшена. Жалым веселан да пайдалын эртарена.

Павел СУАРМЕТОВ.

Татарстан, Актаныш, Йўштў Памаш.



М Ўянгє – арама.

Поро аваем

Мыйын авам, Анфиса Анатольевна – кевытче. Пашажым моткоч йўрата. Мўнгыштат чыла сомылым ыштен шукта. Кок акам да мый тудлан эре полшена. Авам яра жапше годым пижым, носким пидеш. Шерге егемын кўэштме когылыжо эн тамле. Мыйын авам эн мотор: ужар шинчан, шемалге-йошкар ўпан, шўшпык муро гай йўкан. Поро, ласка кумылан. Мый тудым чот йўратем, чаманем да пагалем.

Арсений ТИМОФЕЕВ.
Татарстан, Мамадыш,
Кугу Шия.



ЙОҢЫЛЫШ КОРНЫШ ИТ ШОГАЛ!

Колышт,



йолташым

Ача деч посна кушшо Миша шукерте огыл аваж дене пырля кугу олашке илаш куснен. Школышто сайын тунемеш, спорт секцийыш коштеш. Туге гынат, чонжылан йокрокын чучеш. Ава – эре пашаште. Шӱртньӧ падыраш гай ик эргыжын чыла лийже манын, йӱдшӧ кечыже пашам ышташ ямде. Южгунам Мишан тунар чот чоным почын кутырымыжо шуэш...

Икана секций гыч толшыжла, Мишам пырля тунемше рвезе кычкыраше. «Молан эре шӱлыккан улат? Кастене погынымашке лекташ тӱнал», – ӱжӧ тудо. Миша тореш ыш лий. Икмыняр кас жапым пырля эртарыме деч вара у йолташыже Мишалан «палыдыме йӱрварым» темлыш...

– Наркотик айдемын илыш корныжым икнаште вашталта. Осал корныш шогалмаш тамакым шупшмаш, тӱрлӧ веществам ӱпшычмаш, аракам йӱмаш гыч тӱналеш. Вара наркотикыш кусна. Тунам кеч кугыеным, кеч йочам аяр кепшылта. Айдеме тудын деч посна илен огеш керт. Куштогынат муаш шона. Наркотик организмлан моткоч кугу энгекым ышта. Эн ончыч вуйышто вашталтыш лиеш. Аяр нерв клетке-влакым пытара. Йочан гормонжым луга: организм вес семын пашам ышташ тӱналеш. Икшывын койыш-шоктышыжо вашталтеш, кангемеш. Писын монда, тунеммыже начарештеш. Йоча ондалаш, шольшташ тӱналеш. Кӧ гын осал койыш-шоктышан лиеш, весын кумылжо вола (депрессий). Тыгай чер деч йочам эмлаш моткоч неле. Невролог, нарколог, психолог-влак пашам ыштат гынат, вич процент подросткым ты состояний деч эмлен огыт керт. Кызыт шуко у синтетический вещества уло, нуно организм иканаште вашталтат да могай энгекым ыштен кертмыштым паленат шукташ ок лий. Йоча «Огым» манеш гынат, шкенжым эскерен кертде, аярлан кӧра осал пашам ышта.

– *Тендан дене анонимно эмлалташ лиеш?*

– Республикысе наркологий диспансерыште анонимно эмлалташ йӱн уло. Польш, ойканаш кӱлыт гын, кеч-могай специалист деке кеч-кунам толаш лиеш. Утларакшым ача-ава-влак икшывыштым анонимно эмлаш кондат. Шке гыч толшо-влакат улыт. Нуно, иктаж аярым «тамлен» ончымеке, умбакыже мо лийын кертмым пален налаш толыт.

2021
Тыгай йоча дене психолог ийыште январь-вигак пашам тӱналеш март тылзылаште да чын корныш республик мучко учё-шогалаш полша. тышко 110 йочам шогалтыме. Тышеч вич икшыве наркотик дене кылым куча. Нуно 12-16 ияш улыт.

– *Наркотик дене кылым кучышо йочам закон ончылно мутым кучаш*

Миша дене умбакыже мо лийын? Йоча-влак, шоны-машдам возен колтыза.

Йоңылыш корныш шогалме деч кузе коранаш?

«Палыдыме йӱрвар» айдемын организмжылан могай энгекым конда? Нине да моло йодыш-влакым Марий Эл Республикысе наркологий диспансерын ийготыш шудымо-влак дене пашам ыштыше психиатр-наркологшо

Н.Н.ДАНИЛОВА

рашемдаш полша:



26 май гыч 26 июнь марте Марий Эл Республикыште таза илыш йӱлам кумдан шаркалыме да наркотик ваштареш кучедалме месячник эртаралтеш.

шогалтат мо?

– Диспансерыш наркотик дене кылым кучышо, тудым шаркалыше икшыве-влак логалыт. Шукыш-ым закон почеш мутым кучаш шогалтат, эрык деч посна кодат, штрафым тӱлыклат.

– *Ӱмыргорнышто наркотик могай кынам кода?*

– Ме Россий Федерацийын тазалыкым аралыме министерствын кӱштыкшӧ почеш пашам ыштена. Правительствын 2014 ий 29 декабрьыште лекше пунчалже почеш, подростко диспансерыште учётышто шога гын, машинамак викараш правам налын ок керт. Армиыш кайыме, тунемаш пурымо годым нелылык лектеш. Пашаш пурымо годымат йодыш-влак лийыт. Тидын нерген шарныза.

– *Нина Николаевна, йоча уда корныш ынже шогал манын, содыки ача-ава-влаккан тӱткырак лийман, туге?*

– Шуко йоча тӱткыш ужелан кӧра кочывӱдым подылаш, тамакым шупшаш тӱналеш. Але мӱнгешла, ача-ава икшывын кажне йодмыжым, шонымыжым шукташ тыршат. Ешыште ача-ава коклаште умылыдымаш лекмеке, йоча кӧн пелен лийшашым ок пале. Кок могырыш коштмо деч вара кӱлдымыжым шижеш. Шукыж годым тыгай икшыве вес компанийым кычалеш. Тыге ынже лий манын, йоча дене шукырак кутырымаш, кертме семын жапым пырля эртарыман. Икшыве йӱратымым шижшаш. Иктым каласен кодем: кеч-могай психотропный вещества организмлан кугу энгекым ышта. Тидым кажне йоча палышаш.

Е.ИВАНОВА мутланен.

Курчак гай

Сылне шошым, ломбо пеледмеке,
У уверым кондыш ачаем!
Шукертсекак вучымо уверым:
Шочын ош тўняшке шўжарем!
Кумылем кавасе кече гае:
Кондышт шўжаремым мўнгышкем,
Падыраш чылт курчак гае –

Кидышкем кученак ончынем!
Модышым налеш изи кизашке,
Шыргыжеш ончалын ўмбакем.
Куш тый, чукаем, лийына йолташ ме:
Пўлеклем эн чапле курчакем!

Лиза СОЛОВЬЁВА.

Шернур, Кучанур.



Пайдале каныш

Мый 1-ше классым тунем пытарышым. Ёнде кенез канышым пайдалын эртарыме нерген шонкалем. Юрино районысо Шереметев замочыш каяш кумылем уло. Йошкар-Оласе да Озанысе тоштерлам ончал савырнаш шонем. Зоопарклаште, аттракционлаште жапым веселан эртараш лиш. Икманаш, каныш годымат уш-акылем пой-

дарынем, у шинчымашым налнем.

Полина АЛЕКСЕЕВА.

Морко, Коркатово.

28 май – Пограничникын кечыже.

Российште
Пограничный

Палаш онгай

охраным 1918 ий

28 майыште ыштыме.

Пограничникын кечыже

1958 ий гыч

палемдалтеш.

Российн пограничник-ше-влак 61 тїжем километр кутышан кугыжаныш чекым оролат. Росий 18 эл дене чак верланен.



Сўретым чиялтыза.

Йўратем моткоч кенезым
Олык лапыште кошташ.
Погенам мотор шўршудым
Аваемлан пўлеклаш.

Электротулым аныклыза

Холодильникым почат
Да кампеткым кычалат?
Петыраш омсам ит мондо.
Почын нигунам ит кодо.



Йолташет-влаклан
каласе
Да шкежат эреак
шарне:
Уремыш тарванет
лекташ –
Ит мондо тулым
тый йўрташ.

Саска пагыт

Ура-а-а! Вашке кенез тўналеш. Тиде эн сай пагыт. Йырым-йыр уچار тўс. Йоча-влаклан йўштылаш, уремыште куштылго вургем дене куржталаш лиш. Теве емыж-саска-влак кўын шуыт. Мый кенезым пеш йўратем.

Илья АЛЕКСЕЕВ.
Морко, Эгерсола.



В.ГОРОХОВАН фотожо.

«Ямде лий» йоча газет
Тўн редактор
Л.Н.ГРИГОРЬЕВА.
Индекс: П4696.
Тираж 1150 экз. Заказ
Формат – А-4-8.

https://vk.com/yamde_lii
<https://ok.ru/yamdelii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше: yamdelii.ru

УЧРЕДИТЕЛЬ-ВЛАК: Мари-Эл Республикысе культур, печать да калык-влакын пашашт шотышто министерстве, «Ямде лий» газет редакций.

Газетым редакцийыште погымо да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийн адресше: 424000, Йошкар-Ола, Комсомольский урем, 112.

Газетым Массовый коммуникаций сферыште да культур наследиым аралымаште законодательствым шуктен шогымым эскерыше Федеральный службн Приволжский федеральный округысо управленийыштыже регистрироватлыме.

Номер – ПИ №ФС 18-1999,
2005 ий 10 февральыште пуымо.

0+

Печатыш пуымо жап –
14-00,
фактически – 13-00

Авторын да редакцийын шонымашыш тўрлў лийын кертыт. Серыш-влак мўнгеш огыт колталт.
Ак – кутырен келшыме почеш.

Редакцийн да издательын адресше:
424006, Йошкар-Ола, СССР Вооружённый Вийын 70-ше идалыкше урем, 20-шо пўрт.
Тел. 8(8362) 45-22-82(факс)

«Ямде лий» 2021 ий 28 май



**Кидмастар
улам**



Эн уста кидмастарым ойыраш жап толын шуын. Эн шуко лайкым Кужэнгер район Йывансолагыч Родион МАМАЕВ (снимкыште) поген. Тудым редакцийыште пöлек вуча.

Конкурс

Сїретысе ялык-влак кушто илат? Келыштарыза.



Рекламе.

М. ШКЕТАН ЛҮМЕШ МАРИЙ КУГЫЖАНЫШ ДРАМЕ ТЕАТР

Тиюнь 18:00


6+

руш иылме дене йомак


В некотором царстве

КАССЕ 8(8362) 78-13-78 SHKETAN.RU

Ситыдыме цифр-влакым шындыза.




Судуку



Рушла гыч марлашке кусарыза.

Чын вашеттымеке, мыйын йоратыме пагытем пален налыда.



- Змея.
- Земляника.
- Ёж.
- Бабочка.
- Малина.
- Лягушка.
- Комар.
- Гриб.

Дарья ОЛЮНИНА.

Советский, Ёрша.


Мүкшын ўмылкажым муза.



Пылла гыч мыняр ўр пырче чыпча? Шотлыза.



Ик шырпым верже дене вашталтен, чын вашмутым ыштыза.



4 ойртемьм муза.



Интернетысе сїрет-влакым кучылтмо.